

928
7
6

張右史文集

六

七言律詩

和



十首新詩

粉天賦海

四明晚景

湖光

感賦

如月卷

張右史文集卷第二十六

七言律詩

和陳器之謝王澠池牡丹

十首新詩換牡丹故邀春色入深山御袍黃


粉天然薄醉臉胭脂分外殷所得牡丹有御袍黃漆色紅二

種開晚東君音意厚奇者開落遲晴晝伴春

闕洛人以幕蔭狂來滿揀烏紗帽未擬尊前

感髮斑

和聞鶯



冉冉東風萬柳絲啼鶯常自與春期粧殘玉
枕朝醒後繡倦紗窗晝夢時文羽自竒非苦
隱好音應合有人知風流潘令多才思為爾
春來幾首詩

同器之游大宋陂值雨

微雲護日曉陰春去餘芳尚可尋詩倚醉
豪連卷寫酒送勅敵百分斟山光左右雙屏
画雨脚崢嶸萬羽林沙路晚晴歸馬疾一梳
新月上烟岑

和陳器之苦雨

急雨淒風未肯歸三川烟樹遠淒迷瀉山漲
潦千霆怒到地重雲萬幕低樓、泥塗同野
鷺蕭、昏曉聽鄰雞為君一借扶搖便靜掃
平郊散馬蹄

依韻和晁十七見招之什

斷送春光酒萬壺敢辭羸馬為君驅桑田日
暖鳩呼婦楊柳葉深鶯哺雛詩冷有情尋水
石年豐無盜起荏蒲河陽潘令風騷客醉倒

尊前許我無

鹿仙山

溪清山秀隱神仙，乘鹿真人去幾年。
天地壺中無客到，方書肘後有誰傳。
秦皇採藥迷蓬島，漢武燒金得紫烟。
真境寥々在何處，未容塵世妄攀緣。

寄晁應之二首

強讀詩書歎白頭，一官飄泊寄東周。
匏有繫身難去，人足無音境更幽。
晚接賢豪寬病

思老將文字，寫離憂。相思一夕，親談笑，夢斷

雲山相對愁。

瑜珥瑤環豁眼明，碧梧翠竹照人清。
同車汲黯今難仗，挾彈潘郎舊有名。
自是風流襲家世，行者談笑取公卿。
塵埃落魄誰如我，一事無成白髮生。

喬木

舍北參天喬木長，依憑清蔭護高堂。
烏啼杳杳重陰合，風到翩翩翠葉涼。
已許孤高凌夏

日不妨堅老要秋霜投身麋鹿無人地非爾
煩憂未步忘

竹堂

誰道清貧守冷官遠家十萬翠琅玕直應流
水深相與不待清風已自寒學得鳳鳴直自
許化成龍去不終蟠知君何世無來者可是
王郎獨與歡

夏日二首

詩書老去信無功偷得閒官許養慵山影當

庭初轉日水聲穿竹自來風晚催萱藥昏還
歛日射榴房午更紅覽物賦詩成底事蕭
雙鬢欲衰翁

重雲卷雨過山來遍洒中田到曉迴錯落晴
山移斗極陰森暗峽宿風雷佳人夜、齊紈
恨駭客年、鴨鵝哀欲見清秋近消息月明
白露濕蒼苔

至日有感二首

兩道至日驚身老遠寄周南覽物悲佳節風

烟長慘、他鄉人物自照、荆榛峭混秦關
破草樹芳華隋苑隋有芳華苑在芑東悵望高歌一
回首茲辰樽酒莫相違

一卧孤村雨見冬獨搔華髮思無窮荒山極
目漫汗雪老樹當庭晝夜風佳節妻兒具尊
酒茅齋斟酌慰愁翁未央曉賀瞻天冕正在
爐烟縹緲中

歲暮福昌懷古四首

穀州故城

原北荒城舊穀州文皇功業莽悠悠、天戈揮
去開東夏金甲歸來獻二囚想像英姿輝日
月蒼茫故國委林丘山川慘、空回首落日
悲風蔓草秋

張子房

謀臣何世不知名誰與留侯敢抗衡籌下興
亡分楚漢幄中談笑走韓彭懼誅老将爭梟
首高卧成功更養生戡亂直須希世哲乘時
兒女漫縱橫

李賀宅

少年詞筆動時人末俗文章久失真獨愛詩
篇超物象祇應山水與精神清溪水拱荒涼
宅幽谷花開寂寞春天上玉樓終恍惚人間
遺事已埃塵

連昌宮

欲問興亡已慘顏桑田滄海變人間無情野
水青春在不動南山白日閒伐木清溪寒剝
啄鳴禽高柳曉緜蠻蛾眉皓齒終黄土誰道

仙宮有使還

以病在告寄楊器之

飲冷寒中不自支故應病骨易尪羸老人素
懶何妨病太守兼容得自私兩汗欺風元自
濕火雲挾日故行遲江樓清絕真辜負正是
齋居禁酒時

余元豐戊午歲自楚至宋由柘城至

福昌年二十有五後十年當元祐二

年再過宋都追感存歿悵然有懷

宋玉臺前官樹林十年孤客獨沾衿白頭青
鬢隔存沒落日斷霞無古今暮雲梁苑雁鷺
暗夕泛吳船江海深閱世悲歡嗟老眼呼兒
取酒十分斟

宿馬庄寺

衝泥我馬僵欲仆空村落日不道人開門野
寺淨如掃迎客老僧闕更真佛案青黃園果
細齋厨汲洗野蔬頻年来到處無餘念靜對
同龕金色身

永城道中

東行十日何所有衰草白茅梁宋波大風官
樹吹半折欲雨野雲垂不飛十年所過半陳
迹千里獨愁懷所思他日江湖片帆去白頭
青鏡久相期

贈柘城簿王微之

青衫得祿苦不足白髮生頭頗有餘賦就相
如猶滌器王作宋都賦詩成賈島獨騎驢先生五
斗不挂眼漫郎一官聊讀書自古好賢慚好

色何人朝夕駕于株

夜泊泗上阻風雨

雨昏古岸斷人跡天黑孤城閉水闌燈火樽
前初擁膝風雲淮上欲移山避人魚鳥那足
怪吹浪蛟龍不自閔便使乘桴亦何事蒼波
歲晚合知還

喜七兄疾愈二首

淨名居士本非病五禽先生能養身家人但
訝少林觀鄉里不知顏子貧身內固知精是

藥人間惟有道通神喜聞漸離烏皮几花氣
晴來欲逼人

南鄰隱士龍虎鼎

陸先生平叔
有通之士

東寺比丘堅

密身

圓明師戒
行無玷

欲知十室有信處願此兩賢

非世人戰勝天魔初起定

七兄已
斷世緣

寶成丹灶

不妨貧

兄新悟
道秘

何時共此閑居士紫領長衫

樂社神

送曹子方赴福建運判

平生節下曹公子家世風流合有文橫梁尚

傳喘相國紫髯不是画將軍詔書寬大民何
怨刺史威嚴吏合勤好作楚詞更下俚雲中
一降武夷君

次韻盛居中夜飲

吳衣猷拂洛陽塵夢寐一樽淮海濱每願托
車嘗貯酒况逢投轄若留賓蒼龍挂斗寒垂
夜翡翠浮花暖作春上界高真足官府追隨
却屬敬仙人

送麻田吳子野還山

麻田老仙身馭風萬里一息如飛蓬行窮山
川出天外閱盡世界歸壺中經過賣藥勾漏
客鄉里高年南極翁我亦有心遊八極從公
一借葛陂龍

和元谷二首

年芳經雨能幾許客愁得暖不肯融眼看乳
燕行已哺手種小桃隨分紅世情付睡莫注
渭物態送春無異同清時賴是未禁酒須惜
紅紫轉頭空

愛酒苦無阿堵物尋春奈有主人家未容黃
蜂釀成蜜已怕惡雨不容花雲間明月誰可
攬海中蟠桃良未涯浮名誤人不得脫黑髮
減來那復加

和門下相公從駕幸學

繼聖文明舉舊章儒宮傳蹕駐膠庠地疑闕
里絃歌宅經奏周書隸古行遣子東夷思入
學受成西旅行來王魯侯在泮猶歌誦盛事
須刊孔子堂

效白體二首

功名富貴付悠悠高卧山城又過秋燕坐香
燈為靜侶閑行麋鹿是同游青黃草木新霜
過滿洒溪山夜雨收回首十年梁苑客枉教
白却少年頭

州貧須惜尊罍費俗陋兼無妓樂名幸有蒲
團供燕坐不妨藜杖助閑行看炊香稻供齋
飯自採寒蔬試野羹身外無營內無事近來
心氣儘和平

效白體贈楊補之

青衫居士斷葷血一榻蕭然如在山堂下黃
花驚歲晚尊中綠酒覺官閒甯中已了一事
大鏡裏莫驚雙鬢斑我亦久懷伊洛興煩君
先為卜禪關

雙槐晚秀三月一日初見新葉

東皇無處着繁華亦復分張到我家他日老
蒼悲敗枿今晨嫩綠出新芽秃翁承弁織
髮村婦紫鬟草々花桃李蹊中人跡絕綠陰

閨卷正藏鴉

休日不出閨西池游人之盛

三日春風塵漲天溝泥愁汗破鞍韉掃門靜
閑無來客隱几深居學坐禪薄雨掠塵時點
點細蟾窺夜獨娟々都人解與殘春競半在
西池聽管絃

送李公輔赴宣城

與君騎竹即同游抱子相看髮已秋莫惜往
來勤馬足未須容易轉船頭君方搜句窓間

油我已懸情天際舟抱槩石渠無所欲勞君
時致管城侯

休日不出

久厭衣冠塵土侵賜休何苦馬駸窮冬積
雪春不雨昨日殘紅今綠陰却掃不知門外
事安禪深得靜中心讀書陶令非求解禁酒
楊雄不得箴

次韻王敏仲至西池會飲

聖朝無復用舟師戲遣艤艫插戟枝沸浪有

殺黃帽動春風無力彩旗垂不勝杯杓寧辭
醉傳語風光共此嬉遠比永和真繼軌臨模
奠紙者他時

次韻王敏仲池上

春晚餘芳尚可尋晴雷沙岸走車音苑分廣
樂和韶度池受晴天倒影深席上宮花輝御
醴坐中瓊樹間瑤林歸人自畏嚴城鼓却望
橋西日未沉

題外甥楊克一詩篇末

十年不復上天津閭却西都幾度春里巷夢
中迷向背山河向裏見精神藝成斧鑿真須
棄學富篇章自不貧莫倚詠兒兼贈婦須知
漸與老為鄰未寓洛時吉
子十餘歲耳

題李方叔文卷末

他日東坡譽子文瀾翻健筆欲凌雲決科正
甬真餘事射策如何但報聞詭御獲禽雖可
鄙挽弓射葉亦徒勤莫辭更擬相如作寂寞
思玄未放君

劉景文許惠氈裘未至督之

客愁無褐
氈毛葉于春絮賦于膏壘鹽俸
贈袍雅服何妨冠蘇

帽瘦腰兼稱束鄙條想公封寄應多恨不挂
長身襯佩刀

未嘗病痺親友以酒為戒作小詩戲

答

離騷僅得比痛飲昔酒何曾廢善言因病細
斟尤有味無人獨酌亦成歡何煩巾漉醅浮

蠲不待杯邀月入樽但看井眉瓶作土鷓夷
仍自穩隨軒

和呂與叔秘書省觀蘭

千里倚誰取將忽驚顏色照文房每憐墜
露時施澤更許光風為汎香獨秀已先梁苑
草託根寧復楚天霜坐令黃菊羞粗俗只合
蕭條籬下芳

次韻秦七寄道潛

衰疲久厭五更朝每愧冥鴻在次寥願我塵

冠彫舊髮愛君山桂長新條文詞画虎工逾
拙世味春冰老益消只欲歸依香火社高堂
時聽法音潮

和宋二上元迎駕

拜揖清光咫尺間雕輿欲動更移斑蓬萊不
動鰲頭穩閭闔未開天上問老去一官羞簡
策春來歸夢滿堆山自慙衰病獨隨俗醉逐
遊人月下還

和張提舉

國東自慚多病幸復宮喜來文

室談何妙

莫從宛水春生初縵

穀鐘山雪盡見蟠龍新年強起尋芳物零落
官梅白一重

書壁

晴窓浴罷試春衣芳草江南三月時陰合園
林禽語樂風和庭院絮飛蓬漫即官事只畫
諾駭客生涯惟賦詩極目江天已多恨何須
木落長年悲

和上維道祈雨有應

江鄉長夏亢陽驕太息秋原稻穗焦暑氣暮

收秦地火

項羽火咸陽三月不息

雨聲秋響浙江潮

雨勢甚大夜齋涼送簷間滴曉枕清聞竹上飄椒

糲禮神慙德薄聖朝當宁四時調

張右史文集卷第二十六

張右史文集卷第二十七

七言絕句

寄都下舊友二首

一別長安西復東
琵琶舊地已應空
當時風景歸何處
須信人生是夢中

城西古地昔同遊
望月思家相對愁
明月秋來應更好
何人看月又悲秋

秋思

故人陳迹生蛛網
古殿苔深疊綠繡
簷雨晚

蘇軾詩集卷之二十七
寄都下舊友二首
一別長安西復東
琵琶舊地已應空
當時風景歸何處
須信人生是夢中
城西古地昔同遊
望月思家相對愁
明月秋來應更好
何人看月又悲秋

秋鳴槁葉寒風深夜觸孤燈

魚蝦相望

悲歆回首兩茫然幾別龍門又半年應是舊
時歌舞處和風開凍一層天

臘月殊有春意二首

一夜長風無片雲曉來風動似初春應知春
近催桃李更有輕寒不著人

拂檻垂楊雪後青誰家朱閣曉來晴拂簾動
幕無人解先把春愁寄有情

送李十之陝府

斷蓬泛梗偶相依一別重逢又幾時人世悲
歡消遣盡為君流淚忽霑衣

送客愁

數星點、間微河城上三更樹影送霜落夜
深風悄、月明無限客愁多

夜坐

半消爐火夜三更欲滅青燈暗又明閉戶無
人瞑目坐此時一念悟浮生

余向集賢殿試罷寓居京師嘗遊西
岡錢昌武郎中之第時同會者河東
柳子文與錢氏三子夏中余出京今
纔半年而昔日所遊者或東或西有
不知所之者古人所謂俯仰之間已
為陳跡者歎夫求昨日之我于今日
終其身而不得而况偶然相值聚而
旋散者歎追記春睡詩一首乃寓錢
第所為者

東風冷峭著衣寒雲影陰沉美睡天青杏園
林花落盡晚風吹雨濕鞦韆

上元都下二首

淡薄晴雲放月華晚妝新暈臉邊霞管絃接
上爭酤酒巧笑車頭旋買花

驕馬金鞭白面郎雙鬟小女坐車箱輪散轆
轆歸何處留得紅籠絳臘香

荆軻

燕丹計畫閻田生易水悲歌壯士行嗟爾有

心雖苦拙區、兩死一無成

送聖民出城即事

東風堤上送行人，漸出城來漸少塵。
柳色已深花又落，客來下馬獨傷春。

西湖三首

沙鷺汀鷗盡日閒，水邊風起萬荷翻。
客來莫厭重樓望，樹杪欄干直對山。

水上亭臺涼氣多，扣舷倚棹唱吳歌。
何人為放青蓮出，剪却翻、一萬荷。

一曲清池柳岸風，長苗新稻短蒲茸。
功名由命何須問，幸有滄浪作釣翁。

別錢筠甫三首

倦客無眠聽曉鐘，五更蠟燭淚銷紅。
城西古寺來何處，今日分携獨向東。

春燈欲盡曉雞啼，殘月影中征馬嘶。
為語相逢不消喜，相逢終有道分離。

原頭綠盡柳初凋，落月滿川風滿山。
已過寺西三十里，為君回首駐征銜。

偶題

屋角纖纖挂斷虹
清蟬一噪起高桐
天涯雲盡見殘日
林下雨餘來好風

宿錢睦甫南齋

滿洒南軒與病宜
牀長草碧紗幮三更月
上夢初覺竹影滿
窻風入衣

夜

斗柄闌珊風瑟瑟
銀河錯落露森森
人散靜後幽虫急
月色好時清夜深

田家二首

門外清流繫野船
白楊紅槿短籬邊
早蝗千里秋田淨
野林蕭蕭八月天
新插茅簷紅槿籬
秋深黃葉已飛飛
灘頭水濶孤舟去
渡口風寒白鷺啼

謁僧不值

古寺人閒僧掩扉
客來下馬解塵衣
雙松帶月風蟬噪
古閣鳴鐘夕鳥歸

中秋夜酌

一片秋天碧萬尋月華初上水沉沉
遣愁不用先愁醉更看清光到夜深

舟行六絕

獵獵西風秋水清野花寒草傍流生
沙邊水鶴待魚立石底暗蛩先夜鳴

船尾初回轉野灣波平天淨惜投竿
飛蝶秋花晚嘖沙禽野水闊

落景秋雲晚不開天寒古岬野船回
初驚波面微瀾起已覺風前細雨來

渡頭風雨晚生寒蓑笠漁翁坐釣船
為問蓬中有魚否一雙新鱖出籠鮮

天寒野店斷人行晚繫孤舟浪未平
半夜西風驚客夢卧聽寒雨到天明

渡頭烟雨欲昏天灣畔枯桑繫客船
風打篷窻秋浪急一杯寒酒夜深眠

書潁州皇甫秘教書室

閒來便是日侵堦窻下棋枰林下杯
曉解局舟又南去百年還得幾回來

初離陳寄孫戶曹兄弟

三年流落寓于陳一命青衫淮水濱
城北橋邊長送別扁舟今自作行人

望淮山硤石寺予幼年過此今十載
矣

十年落泊竟何成人事紛紛幾廢興
今日扁舟淮上去青山似與客相迎

題壽陽樓二首

渺渺長淮去不休行人獨上壽陽樓
一闕長

歌不須唱山川都是舊時愁

國事說于予友龍西子

長淮不斷水悠悠樓下行人淮上樓
誰謂滿前風景好古今供作別離愁

淮上曉望

酒醒寃明月半川怯將病齒漱寒泉
樓西別有清秋色一片淮山在曉烟

宿南山晉濟院

閃閃青燈照薄帷幽人不寐自吟詩
僧來邀我更深坐待聽山風到樹枝

宋景瞻和云可憐萬里南飛翼

肯向霜林
借一枝

早池

藕梢菱蔓綠纒深日射游魚聚岬陰
响沫已知為計盡渚鷗沙鷺亦何心

檢屍詠太湖上成絕句呈劉伯毅四
首

湖北風來吹曉鐘湖邊漁客閉船篷
波光不動天光潤更在浮烟細雨中
風蕩雲容不成雪柳偷春色放衝寒湖邊艇

子衝烟去天畔青山隔兩看
野岬北風歸客愁浮烟不動雨
圍成野色縈紆岸點破湖光三四鷗
誰道原頭春未回柳梢黃軟凍齊開
爭鷺臘日崢嶸盡忽問田翁乞野梅

偃王城

蔓草悲風知幾秋黃桑晚葉野雲愁
偃王城下樵蘇盡猶有耕人指舊丘
自上元後閩作五首

閨闔樓南粉署西
舊時種柳長應齊
如今冷落窮山縣
卧聽春風百鳥啼

東風吹雨夜侵階
樓角長烟曉未開
何事舊時愁意緒
一翻春至一翻來

面冷春霜拂瓦乾
曉風吹雨凍闌杆
柳梢黃弱梅苞破
更放東君幾日寒

燈火人家夜不收
三更明月過南樓
風烟隨處自能樂
何事客心還獨愁

喧、野縣自笙歌
風卷高雲天似波
誰謂樓前明月好
月明多處客愁多

寫情二首

牆外誰家桃李開
何由花下一徘徊
先教飛絮傳愁去
却遣游絲取蕊來

人閒漏水報春歸
日過簷牙夢未回
隔夜雨飄梅蕊盡
入簾風捲柳花來

題扇二首

越衫羅薄迎新涼
扇剪青綃秋水光
花前一把羅敷手
直到花殘衿袖香

彎、涼月帖淮天露濕蒲梢風隨蓮松蓋草
茵迎不至南山桂子老秋烟

淮陰

蘆梢林葉雨蕭、獨卧孤舟聽楚謠生計飄
然一搔首西風沙上趁歸潮

宿銅陵寺題壁

僧房秋夜月明天下馬擁裘人悄然老僧何
事亦晨起清磬一敲驚客眠

將之天長題新亭壁二首

新亭登眺解征鞍飛鳥悠揚雲意閒誰為塵
埃無野興故乘風雨看秋山

雲捲山光到眼前滿川搖落早秋天客來繫
馬成何事風雨寒窻一覺眠

過漣水

城頭落日在旗竿城外長淮水浸天左海門
前燈火盡艣鼓謳軋夜深船

春宮

團金袍袖繡長靴寒食宸遊樂事奢風擺珠

簾紅幕潤滿宮春雨落梨花

效李商隱

夜深傳警報更籌霜桂月華寒未收昨夜雨
昏今日朗一番風雨一番愁

楚城曉望

鼓角凌虛雉堞牢晚天如鑑絕秋毫山川搖
落霜華重風日清明雁字高

楚橋秋暮阻雨

水滿城西釣艇橫雲豪風弱晚冥冥天寒小

店人愁雨燈暗孤舟客卧聽

遠思

裊裊霜風吹碧梧孤城殘角奏單于山川浩
蕩愁十里樓角黃昏月一梳

春詞二首

殘紅新綠間鞦韆寒食園林人意闌一陣春
寒花上起画廊連夜雨珊珊

靄靄芳園誰氏家朱門橫鎖夕陽斜鳩鳴鵲
噪閒庭館盡日春風吹百花

遣興

百感推傷強對春，看花、畔獨沾巾祇應閑。
日林中坐，須學無言壁下人。

潮水二首

水滿春淮自在流，落花吹盡浪悠悠。
擬將春雨為春泪，未比思君一半愁。

近來消息愈堪猜，飛鳥無情不肯迴。
惟有清淮慰人意，春流日、自東來。

夏日池上三首

新蟬上樹空遺蛻，野雀哺雛爭小食。
粉沾衣袖竹枝雨，香滿水亭荷葉風。
落日鳴蟬夏木荒，芙蓉半落柳成行。
何人純扇生新恨，亭館迎秋夜、涼。
拒霜灼灼欲破紅，夜來雨落荒蘭叢。
空亭無人日色午，但聽桐葉驚秋風。

秋日即事三首

支離卧病不知秋，暑退初驚大火流。
蟋蟀知時鳴近壁，銀河照夜直當樓。

蕭條歲晚換雙鬢流落天涯念舊遊唯有醉
來心暫展無錢沽酒合長愁
蕭、衰草傍墻生中有寒虫白日鳴秋物荒
涼禾稼熟悠悠驅馬水邊行

秋雨二首

南山雲起滿庭陰簾幕初涼七月深
桃子墜枝桐葉老連綿風雨作愁霖
離披衰柳已無蟬黃葉閉門風雨天陶令無
錢難得醉竹窗過午枕書眠

秋夜寄遠

秋晚蕭條風露清星河耿耿漏丁丁
祇應新月頻相見長向玉樓東畔生

秋夜

微雲淡月夜朦朧幽草虫鳴樹影中
不待南城吹鼓角桐聲長報五更風

張右史文集卷第二十八

七言絕句

吹角

斷霞歸鳥隔山鐘
日過西山轉海空
長恨南城催曉急
五更吹角怨秋風

登乘槎亭

海天秋霧暗乘槎
風響空山浪卷沙
香艸縹緲
報何處客一帆衝雨暗天涯

臘

荒秋野水間榛荆惟有青山日對門草木向
陰猶帶雪風光近臘已如春

題宅後井

泉色
正白

清泉十丈白如漿甘似醍醐透椀涼君欲道
中無渴死百尋操綆莫辭長

和房日嚴換武詩

青衫猷著待封侯慷慨知君定遠流莫歎書
生長齷齪元戎曾與報更籌

春

礫牛門外色初分共喜釵頭彩勝新花萼怯
寒猶積雪鳥報催報已知春

感春三首

日長殘雪滴高簷院靜人閒風度簾可是歲
華隨日好故應愁恨逐春添

冰消水面波光動日暖樹梢花意歸世上繁
花易零落却應春淺勝芳菲

梅梢柳眼弄春嬌雲暖南山臘雪消近郭樵
漁成野市遠村蕭鼓隔溪橋

荒園

荒園午日照青蕪樹罅鳴鳩相應呼一片陰
雲送山雨漸、新麥地親鋤

范增

君王不解據南陽亞父徒誇計策長畢竟止
秦安用楚區、猶勸立懷王

東方曼倩

軒冕功名何足為先生聊作步農資漢庭誅
死皆卿相猶說才能勝滑稽

小雨

蕭蕭小雨不能收一霎西風便似秋枕席夜
涼燈火暗了、更漏隔南樓

孔光

鄉原世盡謂夏儒漢室傾危孰與扶試問不
言温室木何如休望董賢車

趙飛燕

苦心膏沐不論贊富貴人生各有時直使中
流畏仙去君王何啻似嬰兒

看花

風暖日高花氣動，鳴鳩乳燕自求群。
經營美景還詩匠，傾掃頑愁賴酒軍。

題唐宋輔城上小樓二首

沙田小雨不成泥，一帶溪光照翠微。
遠目直隨殘日盡，晚雲還望故山歸。

近郊小徑絕人行，水滿菰蒲取次生。
沙岬雨來長集燕，桑田深處忽聞鶯。

晚歸

學省歸來門巷秋，伴眠書史滿冰頭。
低雲漠漠梧桐晚，屏上江山亦解愁。

日落星稀河漢微，清秋一點水螢飛。
涼風白露愁先覺，可待梧桐報即知。

平陽雜調全玉病二首

維摩丈室自蕭然，病起新涼得恣眠。
我愧穀聞難問疾，想君獨對散花天。

詩將收功久，戢戈羸師再鼓柝。
奈疲何想君無

物驚禪定獨未能除是此魔

蕭何

蕭公俯仰繫安危功業君王心獨知
猶道邵平能緩頰君臣從古固多疑

項羽

沛公百萬保咸陽自古柔仁伏暴強
慷慨悲歌君勿恨拔山蓋世故應亡

李廣

李廣才非衛霍儔孝文能鑒不能收
君王未

是忘征戰何待高皇萬戶侯

朱雲

直言請劍斬安昌勿謂朱游只素狂
君看漢家文景業張侯能以一言亡

韓信

登壇一日冠群雄鍾室倉皇念蒯通
能用能誅誰計策嗟君終日愧蕭公

賈誼

賈生未免孝文疑自古功名嘆教奇
逐得洛

陽年少去白頭絳灌亦何為

楚王

效李商隱

十二巫山聳翠巒
楚王宮殿玉嶺崢
屹定知為
雨為雲處不似當初夢裡者

梁冀

力回漢鼎未收功
又道將軍世上雄
不悟折腰同齟齬
百般裝束為秦宮

宋玉

雲雨朝朝峽裏興
可能無復夢中情
巫娥若

問誰為賦敢乞君王道宋生

成帝

百華衣上清餘香
夜照猶煩蚌有光
解道溫柔勝武帝
不知壯髮似元皇

女凡山

不復當年端正樓
多情猶問故宮遊
山川不改繁華盡
須信人生一世浮

昏

待、落日下墻東
歷、晴雲送去鴻
歲晚蒼

槐甘老大盡將黃葉付秋風

謝仲閑惠友于泉

泉上多紫竹

地吉泉甘慶所鍾直疑遠與惠山通曲肱煩
暑都消盡如卧蕭々紫竹風

貧病投効乞補外官親友問者以詩

答之

早好楊子官執戟貧似玉川居洛陽不敢彎
弓輕妄射爭如覆被逐山郎

殷浩

田野高風過有薰廟堂經畫竟無聞固應竹
馬思元子江左興亡不在君

偶成

低雲着地曉悠々雨濕簾旌不上鉤江北江
南千萬里年々長向此時愁

傷春

浮雲冉冉送春華怯見春寒日欲斜一夜雨
殺能幾許曉來落盡一城花

七月六日二首

月落暗虫啼不休五更白露曉悠悠西風是
處將搖落可但梧桐獨報秋

積雨空堦生綠衣幽々點々弄秋姿黃昏樓
角看新月還是去年牛女時

元忠學士八兄未離京師遠蒙追送
許惠服丹法託故竟未惠及賦五絕

句

身逐孤舟似斷雲故人追送尚殷勤秋城夜
泊西風岫落葉悲虫獨自聞

衰折苦催空壁月悲虫真吊短檠光無情少
壯拋人去只有窮愁氣味長

欲盜羲和一點春五更注想隔重雲如何但
欲獨不死分我刀圭未費君

昔見將軍破虎韜玉堂曾共掃千言功名老
去皆蹉跎相見諄々勸學仙

無復顛狂似少時送君猶自說蛾眉玉堂舊
事君休念兩袖啼痕又送誰

湖步

枝上啼鴉巢欲成晴簷向日乳鳩鳴可憐霜
雪餘威盡春草無名著處生

寓楚題楊補之官舍

一辭螭陛走天涯客路悠悠老歲華住久不
知身是客自來堂下採黃花

傷春四首

曉雨催春不惜花亂紅飄泊委泥沙傷心憶
得年時事白髮風前只嘆嗟

紅杏牆頭最可憐膩紅嬌粉兩娟娟曉來併

逐東風盡容易分飛又一年

嫩紫妖紅惜不得亂隨風雨點蓬蒿荒田野
草花開晚主管春光輸雨曹

高樓春晝獨驚心白日閒雲亦自陰風雨催
花已盡滿城新綠亂鳴禽

三鄉道中遇雨

蕭蕭古道西風雨慘慘黃昏匹馬行未過功
名莫嗟嘆逢時更自憶平生

題南禪院壁二首

乞食高僧午未歸
秋庭落葉日暉
蕭條古寺松陰下
簷鐸風中乳
鷓飛

秋林落葉已斑斑
秋日當庭尚掩關
掃榻晝眠聽鳥語
可憐身世此時閒

次韻王彥昭感秋三首

木落風高秋雁歸
初晴野水漲清伊
東流會向淮南去
憑寄秋來無限悲

年來詩酒最閑身
滿酌休論薄與醇
愁見洛陽秋夜月
無情偏照不眠人

塵埃容易點吳衣
澤國秋來信息稀
想見淮南初木落
秋雲秋水雁初飛

絕句三首

藹藹晴郊花氣浮
午窓晝睡擁駝裘
覺來鳥雀茅簷靜
屋角春風怒未休

照水輕明楊柳芽
隔林相映占巢鴉
東風香草城邊路
到處人家盡是花

淮上春風萬鼓聲
落帆舟泊岫邊磯
喧野市殘陽裡
酤酒携魚客散歸

雨後遊朱園

綠葉陰、護翠枝晚花雖小亦應稀東風不
惜殘桃李吹作春愁處、飛

酒病中寄李十二招飲二首

班郎握筆未封侯嗜酒楊雄欲白頭寂寞著
書誰作伴兩枝風葉碧梧秋

酒病岑、更怯寒一窻踈雨擁衾眠西風一
入庭前樹便有秋散到枕邊

乍晴二首

洗來桐葉晚青、積雨欄干暗菌生牆角半
傾苔暈合蕭、風草一蛩鳴

虹長飲雨川無滴蘋末生風沼有波一掃烟
雲不知處夜天如水瀉銀河

雜題二首

寒雨蕭、桐葉驚浪、還作夜壻散西風忽
起幽人覺枕簟涼時向五更

蒼、落月并梧西睡覺幽人自卷帷只有林
鶯知夢斷曉庭人靜語移時

徐園閨步二首

平田小雨潤新耕
曉日園林信脚行
觀步野蕪吹面柳可憐
春物總多情
動地春風晚未休
吹花折柳却成愁
塵埃不用頻車馬
獨卧氍毹正擁裘

雜詩二首

邾城山下梅花樹
臘月江風好在無
爭似姑山尋綽約
四時長見雪肌膚
病腹難禁七椀茶
小窓睡起日西斜
貧無隙

地栽桃李日，門前自買花

張右史文集卷第二十九

七言絕句

赴官咸平蔡河阻水泊宛丘自呈華

亭下三首

怒河憑而止奔流踟躕梁滯去舟施泊我

生應有定不須歸怨一汗溝

悲蟬古柳風水邊幽草已鳴黃長河未

放羲和宿却放斜陽更向東

夜空如鑑碧新磨倒影殊皇亂素波天色水

光無別處為君垂手攬銀河

春雨中偶成四首

魚織小雨作春愁吹濕長雲漫不收架上醅
醱渾著葉眼明新見小花頭

槐葉青、染不如護巢鴉語有新雛蒲、晚
雨窻鳴急卧穩藜牀玉枕書

天低芳草接浮雲萬柳含烟翠不分燕子歸
時花徧落暮寒和雨入黃昏

春陰只與睡相宜卧聽鳴禽語復飛一縷斷

香浮不散何人深院晝熏衣

東齋雜咏

竹

裊、墻陰竹數竿秋風盡日舞青鸞平生愛
雨綠瀟洒莫作封君渭上看

菊

野人齋爨屏臙腥自向堦前擷紫蕊老去愛
花心轉薄一盃蔬飯足浮生

盆池

點、青萍秋後衰溶、晴日見魚兒水邊窺
影何方客自照行吟憔悴姿

老槐

雪霜未死閱年華危葉蕭、戰古槎枿、秋
風官舍冷半枝斜日帶啼鴉

皂莢

畿縣塵埃不可論故山喬木尚能存不緣去
垢須青莢自愛蒼鱗百歲根

南窓

門前塵土慵驅馬堂上文書獸坐曹只有南
窓慰人意寒燈清夜讀離騷

道榻

紙閣蘆簾小榻安一裘容易却輕寒誰驚午
枕江湖夢風落晴窓栢子乾

牆東二首

牆東椿老葉已盡堂下菊叢無復香長安風
埃歲已晚閉門不出馬毛長

歲晚長安足土風天寒官舍少文書下馬閉

石城卷二十一
三
門復無事壁間佛像對銅爐

凝祥三首

齋祠太一館清真望秩名山固有神斜日苑
門人不列靈風自掃石牀塵

已隨芳草藉盃盤更任垂楊拂馬鞍斜日雨
竿眠犢晚春波一眼去鳧寒

奉靈桃李已堪攀只有春風作往還園吏不
須防客到長安從古少人閒

謝人惠金沙醪醪二首

金沙倩麗閨中秀醪醪謝却林下風欲試此
心無結習兩株常守淨名翁

金沙豐腴合德艷醪醪輕盈飛燕身久無丹
白應知我齋散天香供道人

奉安神考御容入景靈宮小臣獲覩有感二首

靈風依傘繡輿深仗外猶疑警蹕音不似尋
常遊幸日樓前鼓吹却沾襟

渭上衣冠故老哀西陵石老已莓苔從今仗

下新歌舞長及年，獻耐來

次韻子由舍人先生追讀通英絕句

四首

天寒書殿曉班清，氣爽仙盤瑞露零。
講罷群公珮，散一竿宮日轉槐庭。

聯翩右史直西垣，舊墨螭頭點未乾。
自是退之平昔事，可須慙着進賢冠。

冠佩煌煌拱北辰，道人風骨自軒軒。
茯苓松下龜龜老，須乞靈丹一粒吞。

恭默誰聆金玉音，陶甄萬物付無心。
君王好意真天意，憂國論思不厭深。

荒園

日暖風簷翻乳燕，曉寒露柳轉流鶯。
荒園日東風裏吹盡，湖花香草生。

東海旅夜二首

無酒消憂寒未減，隔帷相對一燈愁。
蛩聲喚覺五更夢，風雨滿庭桐葉秋。

蘭缸背壁影微，千里天涯客夢歸。
一夜海

風聲不斷曉來寒葉滿庭飛

寄李不危

憶昨東風吹馬蹄
尾闕分袂涕交揮
淮陽風物應如舊
獨在柯山送雁歸

曉發途中

坐無燈火夜蕭然
馬上匆匆未曉天
值驛老兵應笑我
肯將斗粟換高眠

病起登壘嶂樓

病來久不上層臺
窻有蜘蛛迳有苔
多少山

茶梅子樹未開
齊待主人來

觀蘇仲南詩卷

蘇子詩如刃發
矧十章入耳韻冷
文章三昧無多子
祇守君家舊典刑

讀仲南和詩

異時文席許論詩
三載江湖讀楚詞
自笑酸寒無好語
少年倉氏獨相知

謝仲南和詩

曾約西湖薄主人
只今湖色已知春
會須多

載連車酒絕勝寒倉滿日塵

渡沙河

溶漾澄明徹底清
鷓鴣慣客不相驚
却疑洛水新霜後
八節灘津石柱叢

題五柳亭

大夫風韻如彭澤
五柳蕭森手自栽
我亦扁舟倦游者
登臨聊復賦歸來

項城道中

塵壁蒼茫有舊題
十年重見一傷悲
野僧欲

與論前事自說年多不復知

離京後作七首

蘋芷江邊已五年
猷聞風浪打船舷
南風蕭艾荒涼野
特望高丘一慨然

水諳送客渾無浪
風解留人却有情
今夜榆林繫帆宿
却從北斗望天星

灌畦酤酒兩三家
春去芳叢有晚花
莫道長安在天上
牛女猶有客乘槎

一水夷猶達汝陰
年華客意兩相侵
河邊無

限青。草攬纏何人繫此心
過雨波塘處。深南風蕭艾。欲成林道邊拾
穗行歌者。亦有豐年一飽心
高槐老柳舞南風。晴日家。蚕麥中。芝盡黃
雲見原濕。却教風雨洗長空
燕雀翩翩夏屋深。成蹊桃李已成陰。黃鶴深
處人無見。時有清風遞好音

橘

靄。高林綠實圓。清霜一洗若金懸。李衡何
等相奴隸。自有高人相國賢

梅

覆釜湖邊雪。壓塵數枝林外已。先春盡將七
澤清霜氣。洗出姑山綽約身

懷竟陵蓮花

景湖門外有汀洲。灼灼紅蓮照碧流。公子不
歸時節晚。兩枝風葉卧清秋

懷陸羽井

寒泉背石老松根。禪室幽人古像存。長恨千

年無屈宋楚招難與此遺魂

冬日懷竟陵管氏梅橋四首

旅居澤國小園林千里相望歲暮心想見竟
陵殘雪裡新梅點雪橋垂金
小園林點點梅如今綽約為誰開只應清
夜新霜裏依舊橫斜倒影來

他日華陵跡已陳嘉辰懷舊一銷魂小園幽
徑誰相念應有新梅覓故人

復州竟陵郡有
五花山故亦云

華陵

堂下幽芳自可人北風一為屏埃塵上元簪
珥玲瓏玉却曳青霞霜女裙

危臺寺三首

諸佛蒼然照殿極圓光明滿自然燈千年遺
事無人問館後高眠久屬僧

峨眉前約已成空風雨蕭蕭送暮鐘何用忘
飢來問話不如松下謁癡龍

世味嗟余淡莫加更將詩句寄烟霞自憐落
筆無好字不及揚州王謝家

過蕪澤

雄吞六國弱秦強壯士逡巡野水傍耕叟不
知鴻鵠志笑觀宮室忤陳王

崇化寺三首

樓殿沉、鎖夜烟秋燈一點佛龕前梧桐葉
上三更雨亦有愁人獨自眠

白髮荊州嘆滯淫吳衣重杵洛城砧道愁莫
上高樓望只有秋來晝日陰

零落宮牆官樹秋行人東去路悠悠、祇應樓

下邯鄲路亦有離人對此愁

偶成

漫學文章獎性靈屠龍藝就誤平生翩翩仕
路新冠蓋何用楊雄強作經

贈趙簿景平二首

明道新墳草已春遺風猶得見門人定知魯
國衣冠異盡戴林宗折角巾

紛、俗物久堪憎愛子蕭、眉宇清莫嘆青
衫掩事業白頭卿相死無名

自遣四首

是非得失一區區，蚊蚋啾唧共一壺。
不學退之求羽翼，唯憑一夢到華胥。

誰云造化本天情，利害垂陳理甚平。
莫逐衆情生愠喜，君看三四孰虧盈。

誰云至理宗無相，大道由來萬法兼。
且以般若為佛事，曉敲清磬誦華嚴。

浮世榮枯理易觀，不勞重取朽龜鑽。
直應桃李繁華日，便把荆榛寂寞看。

立秋二首

西風嫋嫋木颺颺，身在江湖北岫州。
自古楚人辭最好，為君重賦竟陵秋。

對酒聊同楚人醉，哦詩惟聽越歌吟。
洞庭北岫孤城下，落月西風聽曉鶯。

晚步靈壽寺後二首

秋城草樹欲黃昏，微送新晴菜甲新。
便好灌園從老圃，此懷原是漢陰人。

逢秋種菊尚慙慙，隙地侵尋欲過隣。
便好採

花供服餌形容已似澤邊人

感秋三絕

秋思鄉愁兩苦辛
每臨西北望秋雲
此生更老情終在
誰為寄報千里人

楚天未白轉星河
樓角先吹出塞歌
長愧侵床五更月
殷勤無計謝姮娥

高林敗葉已颼颼
更有寒莎翠已收
若道神仙脫情累
如何獨唱感庭秋

事見
閩記

局中聽雨

秋庭聽雨斷人聲
涼入衣裾秋意生
臨水登山送歸語
憐君解有許多情

夜思

萬般沉寂漏丁東
金井欄干上暗空
半夜西風人未覺
秋聲先報草根虫

晨起二首

楚鄉秋早倦炎蒸
長恨梧桐不可憑
爽氣忽隨風雨至
曉堂無寐獨神驚

中宵爽氣入襟裾
簷雨浪浪曉未收
三伏炎

歌掃除盡待教明月放清秋

近中秋

姮娥藥熟桂華新
滿貯清光待出雲
徐御冰輪行碧落
世間多少感秋人

章華

長恨章華亦陋夫
周秦僅可勝登途
誰知南楚仍窮巷
骨像何妨自應圖

秋晚

日轉秋庭樹影斜
風來粉蝶勝悲茄
祇應宋

玉秋來夢常在
在牆東阿子家

遷居對雨有感

楚鄉風物淡悠悠
獨掩閒門客滯留
盡日無言對秋雨
相敲蕉葉各吟秋

竟陵僦舍仍有小園景物頗佳

荒涼臺閣追隨事
懶慢江河放逐臣
應是主人憐寂寞
僦居仍有小園春

張右史文集卷第二十九

張右史文集卷第三十

七言絕句

題西園醑醺

風霜老枿蹙龍虵
中有青春白玉葩
要使根深生意遂
不妨秋雨卧泥沙

西軒

出架薔薇秀晚枝
雨餘屋角理蛛絲
可憐一曲秋風地
萬思千情闌入詩

九月十日菊花爛開

蕭條秋圃風飛葉却有黃花照眼明已過重
陽慵采撷自嫌亦作世人情

讀除日有感

禍福茫茫不可猜可能憑世即無災相君西
園揮毫日豈料方還此地來

效吳融詠情

依、藻、復紛、觸處相隨過曉昏知是妄
緣除不盡更教風月助吟魂

竟陵酒官舍北有數步草歲寒霜落

猶鬱然也余為障其風霜暮冬尚自
如一日大火焚舍無遺復往尋草不
復有矣

為愛墻隅芳草色故遮霜霰待新春火燒雨
洗尋無處祇有東風吹舊塵

臘日步西園

三畝寒園春欲回淺池低樹忽飄梅楚鄉萬
里霜雲盡歸雁行斜日來

夏日七首

兩架醱醖側覆簷夏條交映漸夕添春歸花
落君無恨一架清陰恰滿簾

野水灣環夏木森青蟬晚噪碧雲深扁舟兩
槩誰家子萬里江湖此日心

新篔簹紗厨與夏宜法曹腰腹大何為重雲到
地翻盆雨却是幽人睡穩時

千蛙鳴噪汙池水萬螿奔馳一腐虫得喪世
間能幾許冥、高處有飛鴻

涼風一掃宿雲輕隱、收雷不復驚試決小

池疏積潦誰教蛙吻損無教

風轉翻、梧葉驚入簷白雨打窓鳴應將清

絕酬無睡穩聽空塔半夜殺

女兒山前官舍清遠堂鳴澗夜冷、塵埃別

後何由見簷雨三更起坐聽

畫卧口占五首 七言三首
五言二首

康濟朝飢進湯餅誰何午睡屬新茶讀書隱

几聊復爾謝客扃門豈不佳

甘風遠集閭朝嘒怨月深棲有夜鳴涼牖踈

明稀老翠雨畦幽獨立新青

學道窮年要有得強顏干世欲何求病我意
以無勞謗濕要鞠窮不待搜

人事日益遠秋居何颯然苔隨墻半雨葉放
樹中天

擾々終何得蕭々亦自如將求解牛道要解
斲輪書

贈无咎

欺馬街泥未肯乾重城含霧曉漫漫誰令萬

屋淋漓雪猶作長安半夜寒

晚春四首

楊柳藏鴉笋作竿曉風吹雨作輕寒清陰一
片收春去留得薔薇數點殷

薔薇倒架笋過隣夢澤茫茫欲晚春綠暗紅
稀君莫嘆滿枝梅杏欲嘗新

洗雨吹風送晚春盡收紅紫布青雲眼前消
長語已久清坐不妨長閉門

荒畦零亂滿蕪菁春事收功欲老成鵲噪鳩

鳴莫無賴曉枝千轉有雛鶯

懷金陵三首

此君堂後青蒼玉別後何曾寄一藪想見秦
淮月堂下西風吹浪拍堤平

壁月瓊枝不復論秦淮半已掠

清溪天

水相澄映便是臨春閣上魂

曾作金陵爛漫遊北歸塵土變衣裘芙蓉藪
裏孤舟兩卧入江南第一州

水閣二首

積雨荒池水欲平軒窗長夏有餘清公餘一
枕滄浪夢卧聽風荷受雨聲
池水亭々如有光曉風清露點新粧翠帷自
障非游女多謝經營白鷺郎

出京寄无咎二首

不許多聞長樂鐘打包旦過又匆匆長安城
裏誰相識只有周南太史公

老去相看情益親河梁分手欲沾巾祇應誦
得離騷賦長作行吟去國人

讀史二首

區、姦智終何補不悟身由弄伎兒蛇斷楚
郊秦未覺鬼謀曹社夢先知

羸秦餘祚已虵車府言高尚畏人安有區
區猶指鹿從來菽麥不曾分

韓信祠史稱信之族誅予嘗疑之其
謂陳豨曰王至上必自將予從中起
夫使高帝將精兵于外而信欲詐驅
徒奴烏合之衆于京師雖太公穰苴

不能以成事此猶忿然于猛虎之穴
虎歸則無事矣信謀無遺策豈肯為
計若是之踈哉况蕭相國在長安信
獨不畏之耶此殆以高帝出征以信
失職畏其亂于內亦若彭越使人告
之而傳致其詞如此耳不然信不忘
漂母一飯之恩信遇高帝恩亦厚矣
一旦背之豈人情哉

千金一飯恩猶報南面稱孤豈遽忘何待陳

侯乃中起不思蕭相在咸陽

題淮陰侯廟呂太后勸高祖誅彭越
使舍人告其反而越囚未嘗反也特
以為名耳高祖將兵居外而太后在
長安太子仁弱不知兵而韓信方失
職在京師呂畏其乘時為亂而不可
制使人誣告其反詐召而誅之耳方
是時蕭相國居中而信欲以烏合不
教之兵欲從中起以圖帝業使雖甚

愚必知其無成以信之雄才謀無遺
策肯出此哉太史公記陳豨反事言
豨居代多致賓客周昌畏其不軌而
奏召之不至豨因自疑而其後通曼
丘臣王黃遂反此司馬遷所謂邪人
進說遂陷不義者也遷載豨反事未
嘗一言及信于此遷欲見誅信之冤
也

雲夢何須偽出遊遭讒猶得故鄉侯平生蕭

相真知己何事還同女子謀

何不為信
辨其枉也

偃王城

逃戰彭城似去邠興王可即廢為臣中原多
少堪憂事勞苦君王八馬奔

挂劍臺

上國歸來歲月深悲嗟脫劍挂高林欲知不
負徐君意便是當年讓國心

古意

樓上珠簾拂疎網却勻愁黛對凌波也知新

舊爭多少敢話機頭織素多

道彭澤

姓陶令尹今何在空補陳編歸去來安得春
江作春酒百年長與子銜杯

柳

永豐坊裏舊腰肢曾見青
初種時看盡道
邊離別恨爭教風絮不狂飛

題宣州後堂壁四首

過兩山亭暑氣微老人猶未試生衣滿園闕

綠無人到春日南風燕子飛
我欲留春情不淺青春別我苦無情敬亭山
下紅千樹日、南風綠滿城
翠樹陰、晚雨回江山清潤絕纖埃軍厨煮
酒香初熟更釣溪魚斫鱸來
流落天涯一病身簿書叢裏費精神殷勤照
水窺華髮黃鳥穀中丈一春

宋景平命賦隔窻花影

午睡簾櫳春日長半消金鴨水沉香隔窻花
影時來去疑有東隣覩宋郎

晚春初夏八首

陰、夏景變餘春清曉園林未有塵日、東
風欺弱柳鶯黃吹盡作青雲

少室山前日、風望嵩樓下水溶、春將春
色歸何處盡在車前榆荚中

吹盡成蹊桃李塵兔葵燕麦一翻新只應解
穉抽青玉霜節稜、尚可人

古柳參天鳴啄木青蕪覆地下鳴鳩白頭懶

計留春計睡起移時獨倚樓
睡足高簷春日斜碾散初破小龍茶樓邊綠
樹飛紅盡春色墻陰老薺花
青春已屬明年事晝漏初知夏景長日
南風笋成竹殘紅雖有不成妝
春歸草木漫青紅半委塵埃半逐風誰似長
楸百餘尺高張錦繡照青空
酴醾壓架不勝繁洗雨吹風更可憐姑射仙
人本仙骨百花凋盡獨婁娟

梅花十首

月落嚴霜自理妝北風工為發清香曉英數
點辭人去幽獨無人為斷腸

幽恨清愁幾萬端故將巧笑破霜寒落英收
拾供騷客秋菊從來不足餐

姑射仙姿不畏寒謝家風格鄙鉛丹誰知檀

萼香鬢裡已有調羹一點酸

杜詩有
花鬢

林外啼禽自往還風前詩客倚欄干小園門
鎖黃昏月耿々幽姿伴歲寒

玉粟勻圓官樣黃
領巾借典十分香
衝寒不為生春物
自要畏霜為洗妝
清寒池館靜無塵
歲々相送似故人
任遣牆頭疑是雪
欲教圓木早知春
脉々無言亦有期
雪中狂殺羽林兒
可憐多少幽竒事
都是東風總不知
任教雪壓色終勝
却要風嚴香更聞
江雨細時青子熟
聞名猶救渴將軍
數點深藏碧玉枝
翠峯十二擁瑤姬
憑君說

與凡桃李徹骨清寒
爭解肥

三畝荒園草棘荒
可堪終夜北風狂
瑤環瑜珥誰將去
噴々幽禽啄蕊黃

張右史文集卷第三十

張右史文集卷第三十一

七言絕句

水仙花葉如金燈而加柔澤花淺黃
其幹如萱草秋深開至來春方已雖
霜雪不衰中洲未常見一名雅蒜

宮樣鵝黃綠帶垂中州未省見仙姿只疑湘
水綃機女來伴清秋宋玉悲

崇寧壬午臨汝四月始聞鶯二首

青杏登盤櫻豎枝園林初夏轉黃鸝一散風

露高林曉却覺年華總未衰

好音終在耻爭先谷外寒多故後遷已過花
時亦何恨不妨夏木綠參天

採石阻雨寄宣城故人二首

風雨江頭思故人東南烟水濕青春宛溪東
岸垂楊樹想見烟眉亦解顰

闌雲濃淡作朝陰柳色江頭春已深誰為宣
城故人說依、祇似去年心

漫呈无咎一絕

題扇燈前亦偶然那知別後遠如天去年醉
舞者花處獨聽琵琶却惘然

壬午臘月下旬偶作二首

咏塊飢禽傍短籬風鳶一笑起高枝君看草
樹冰霜裏即是東風欲到時

風折蒹葭水結澌燕鴻相語定歸期淮南水
闊山長處少待燕山霰雪晞

泊楚州鎖外六首

滿眼荒寒春未知芳菲欲到野梅枝東南近

臘風烟好美酒千鍾魚蟹肥
便風吹舫去無情謾遣槎牙鐵鎖橫未嘆客
行鷗鳥遠五更吹角是高城
襄王席上舊行雲二十年間生死分可惜風
流一杯土年々春草斷人魂
流落相逢二十年羞將白髮對婣娟如何見
我都依舊添得尊前一惘然
水榭疎簾秋夜涼清歌一曲醜瑤觴明朝回
首高城處只有西風却斷腸

莫愁家住大堤邊朱閣青樓映暮川斜映清
淮一梳月晚妝相對鬪婣娟

臨淮道中

凜々春寒犯客裘輕陰殘雪放孤舟無端嗟
有堤邊柳作態東風惱客愁

許同塵示張八侍郎避暑覽館中舊
題絕句俾之同作次韻

聚散人生集渚鴻飛鳴邂逅一宵同是非榮
辱何勞問共在邯鄲一枕中

西園風雨雜花謝

楚澤春殘雨又風
啼鶯芳草思無窮
蕪菁滿地黃金爛
不及薔薇一點紅

慈湖中流遇大風
舟危甚食時風止

游靈巖寺

心悸西江浪似山
眼明僧舍一窻閑
從今要見廬山面
畫作屏風靜處看

寓淮陽驛二首

一庭秋色高堂夜
半壁燈光短幌涼
都是去年秋氣味
誰知飄泊古淮陽

悠颺短日下西墻
庭葉吟風作夕涼
客枕甚安無一事
隣雞不用喚朝陽

觀魚亭呈陳公度二首

千古濠梁莊惠詞
不須反覆辨真知
直應人意逍遙處
便是游魚自樂時

獵獵微風波面開
近人鷗鷺不相猜
尊前忽起扁舟興
新管江南山水來

寒食離白沙

莫驚客路已經年尚有青春一半妍試上芳
堤望春野萬絲楊柳拂晴天

紹聖甲戌侍立集英殿臨軒試舉人
作此兩絕

春來小殿雪初殘曉日矍矍未破寒黃繖當
軒公事退君王緩步侍臣閑
弱歲干名翰墨場春寒搖筆試西廂茫然二
十年間事還着春衣侍玉皇

同仲達雪後踰小山游蔡氏園得紅

梅數枝奇絕因賦二首

與君陟嶽踏春泥邂逅紅梅得一枝失却孤

山風露格却成卯酒醉冰肌

李正封牡丹詩
有國色朝酣酒

句之

北風凜凜留高樹融雪涓涓聚小塘三畝山
園半春草無人為結小丁香

戲呈希古

半世辛勤守黃卷白頭客易過青春枕前亦
覺春晴否試問東隣晚起人

賞心亭

楫迎桃葉家何處
槩送莫愁人已非
獨立東風今古恨
春江無語又斜暉

題洛尾亭二首

八詩第一亭

日出南山春霧收
渾江洛尾入淮流
莫向行人贈楊柳
折將離恨入孤舟
洛尾亭邊淮汴交
來波去浪恨迢迢
無端更洒黃昏雨
吹作春愁不肯消

題周文翰郭熙山水二首

魚村橘市楚江邊
人外秋原雨外川
遣騎竹邊邀短艇
天涯暮色已蒼然
洞庭葉落萬波秋
說與南人亦自愁
指點吳江何處是
一行鴻雁海山頭

立春三首

天上春來誰報人
江山氣象一時新
懶將白首籌幘勝
壽酒三杯慰逐臣
風光先著竹間梅
和氣應從九地回
桃李滿園渾未覺
微紅先向寶刀開

蒼龍闕角回金斗文德門南散曉班車馬紛
紛殘雪裏鏤銀剪綵舞新幡

寒食

庭院輕寒新雨過江城寒食野花飛故園北
望一千里極目江楓客未歸

竟陵夢野亭在子城西南角一目而
盡雲夢之野最為郡中之勝

高甍巨栴壑城闌平視如將七澤吞幾度春
光招宋玉碧闌干外獨消魂

奉符縣北二十里林家莊馬舖壁間
有草書數行半毀矣問其人云熙寧
中錢提刑所書余考其時蓋翰林四
丈穆父也錢公謫秋浦而卒其子已
免喪矣覽之不覺失涕因留一絕
龍地半滅亭間字泉壤長埋地下身從此世
間無玉樹故人三嘆淚沾巾

木芙蓉菊花盛開

空山岑寂何所有晚菊芙蓉相對幽伴我悠

悠過閨日憐渠灼々媚窮秋

夜間風雨有感

留滯招提未是歸卧聞秋雨響踈籬何當粗
息飄萍恨却誦僧窓聽雨詩

次韻智叔三首

才似庖刀不待斲思如流水更清冷詩壇李
杜誰為將盡掃攬槍正國刑
公子風流更可人仙家問信柳湖春煩公甕
下一杯水洗我甕中百斛塵

今朝一見詩人詩不用更尋黃絹詞深山一
鶴自唱和亦有松下童子知

絕句

竟陵秋色清如水客舍飄梧墜晚階已掩重
門風葉定玉鉤還向玉人來

西園

滿園紅紫春無限盡日飛鳴鳥自由夜雨朝
晴風日好盡舒雲錦不能收

晚春

苔封池面草芊緜鳴蚓跳蛙意苦便頗覺風
雲有奇變翻盆一雨便潺湲

殘春三絕

低簷送雨晚霏微濕透梅房白漸肥半捲画
簾屏扇掩朦朧春睡擁春衣

闌干倚遍更消魂春到淮南得幾分裊柳
枝烟雨濕画樓殘角送黃昏
強尋春物散無聊直使樓高恨未消鱗碧萬
家看不盡杏花時見隔牆梢

偶題二首

相逢記得画橋頭花似精神柳似柔莫謂無
情即無語春風傳意水傳愁

春水長流鳥自飛偶然相值不相知請君試
採中塘藕若道心空却有絲

宛丘道中

日斜沙路馬翩翩故欲迎涼不著鞭誰解多
情似新月伴人歸去照人眠

青桐道中值雨凡數里舟行久之頗

有江湖之思二首

繫馬搵舟問檝師，却疑淮口掛帆時。
人間遷改何須問，便作江湖未可知。
冥冥烟外鳥飛歸，野老得魚收網迴。
隔浦斷霞沉欲盡，半彎新月出雲來。

宿咸平驛

蕭蕭暗葉鳴秋雨，淅淅寒風戰客燈。
世味飽諳心已老，不煩潘鬢強侵陵。

蕭蕭

蕭蕭風雨五更初，枕上秋聲獨并梧。
只有菊花猶灼灼，若教摧拉就荒蕪。

淮陰道中

映日斷霞臨水盡，出雲新月向人來。
野塘秋晚無行迹，點點黃花照水開。

夜坐

庭戶無人秋月明，夜霜欲落氣先清。
梧桐直不甘衰謝，數葉迎風尚有聲。

試筆

學館齋盤驚歲晚寒窓書史伴身閒年來輒
軒甘言命老去追隨獸強顏

新春

水鄉清冷落梅風正月雪消春信通昨夜園
林新得雨杏梢爭放曉來紅

野步

帶水依城一徑微出城桃李雨來枝景憐楊
柳身無力付與春風自在吹

春日偶題四首

漫：東風百草長天桃如笑柳如粧唯憑酒
作青春敵收拾風光入醉鄉
隔屋桃花暖闌粧好風時有過牆香滿園芳
草無人種何事春來特地長
舍北小桃裁及肩可憐枝弱苦花繁黃昏雨
急東風惡惜雨不禁春夜寒
白首傷春一老翁預愁寒食過春中下簾數
點黃昏雨一霎輕寒青杏風

偶成二首

新引龍孫欲解包籬根抽笋已梢，萋萋雨
過蝸綠壁楊柳葉深鶯有巢
乍晴幽步踏斜陽殘涼青苔曲徑荒風擲落
花填小塹雨催芳草上空墻

題軫師房二首

漠漠雨苔依砌綠鮮，秋菊映堦黃山僧睡
起日亭午出戶微，栢子香
銅瓶布衲出塵埃踈瘦風標日一齋門迳蕭
然更無事生螢飛鵠及時來

初離山陽廻寄城中友人二首

落月昏昏向水低五更殘燭一釵雞祇應魂
夢猶東去從此扁舟日向西
野岫蕭蕭落葉風秋光離思兩相攻殷勤臨
水揮雙淚憑寄清流却向東

淮陰晚望

蕭蕭衰柳來時路衰衰危檣西去船白鳥歸
飛夕陽盡斷霞風約過平川

宿第四鋪

繫纜寒沙傷客情秋雲不動夜陰生蕭蕭雨
岫黃榆葉解報三更雨到穀

初見嵩山

年來鞍馬困塵埃賴有清山豁我懷日暮北
風吹雨去數峯清瘦出雲來

有感

鬢毛已自秋來變解肉仍于馬上消滿眼青
山不歸去強顏微祿亦何聊

福昌官舍後絕句十首

淮南梅柳想春還怯見西州歲暮寒惟有看
山心未歇晴明終日在欄干

小園寒盡雪成泥堂角方池水接溪夢覺隔
窗殘月盡五更春鳥滿山啼

無客門闌盡日高兩行喬木擁寒廳吏胥借
問官何在流水穀中看竹行

漫與東風作主人栽培花草伴閒身不辭伐
竹成高架收拾薔薇一片春

卧聽堂南布穀鳴龍頭細麥已青盈殿勤謝

汝催春種我為無田豈懶耕
翠竹留人不忍還暖泉春漲已潺湲寄言山
鳥休歸去與爾同來樂此閒
洛川春色幾時歸漾漾清流照翠微日暖雪
消沙岸軟鴛鴦相對不驚飛
風吹春日下南山尚有輕冰結暮灘何事鴛
鴦故相守清溪不怕夜栖寒
不掃竹根藏笋茁旋培殘雪擁蘭芽為君更
接櫻桃樹付與春風換却花

清明山色到前簷
汨汨溪流聚小潭
一榻竹
窓晴晝睡依
春夢入江南

夢周楚望

春風吹夢到淮南
一夕從容盡笑談
睡覺始知經歲別
洛陽新柳已毵毵

絕句

坐局歸來已暮鐘
濛濛寒雨濕裘茸
正須墻下一壺酒
不怕江頭三日風

有感

屋角纖：挂断虹清蟬一噪起高桐天涯雲
盡見殘日林下雨餘來好風

張右史文集卷第三十一

| |
|------------|
| 第 35254 号 |
| 平成 3.11.22 |
| 聖和學 928 |
| 園短大 4 |
| 圖書館 6 |

卷之三
目錄
一
二
三
四
五
六
七
八
九
十

三

